

- أحمد** : فكرتني بالأيام الجميلة .. وسخ وحرية
والهواء نقي .. على رأى أمى « والهوا صبى »
وطمى التربة كثير .. ونعمل تماثيل
انت الأصول ترجع تشتغل تانى يا علام
- علام** : الحكاية ناقصة تماثيل ..
لكن فاكّر تماثيل حضرة العمدة ؟
- أحمد** : أنساه ياسلام !
والعلقة السخنة أخذتها بسببه .
- علام** : الفلاحين كانوا يشاوروا عليه ويقولوا الولد
أحمد انتقم لنا من حضرة العمدة
- أحمد** : كان رجل شره .. فظيع ..
- علام** : منشار .. طالع واكل .. نازل واكل
يدور فى البلد لا يعتق بيضة ولا فرخة .. ولا
حتى حمل برسيم لا وابه .. يشاور بالسبحة ..
ماتولى ذكر البط ده ..
فين الوز السمين يا مسعده .. وانت يا عيشه
جوز الفراخ ده على الدوار على طول ..
- أحمد** : السبحة كسفت اللعبة .. وعرفوا انه العمدة
واشتكى لأمى ..
- علام** : الفلاحين ضحكوا ياما .. قالوا النبى حارسه
وصايته أحمد عمل تماثيل لحضرة العمدة انها
الخالق الناطق هو فضحه وكشف سره .. ومعلق